

汉魏丛书

漢魏丛书

西州後賢志

晉常璩著

聞之善志者述而不作。序事者實而不華。是以史遷之記詳於秦漢。班生之書備乎哀平。皆以世及事邇可得而言也。西州自奉聖晉後。俊瑋凋儻之士。或脩德讓行。止從時。或播功立事。羽儀上京。策勲王府。甄名史錄。侔於先賢。會遇喪亂。輒遘華夏。顛墜典籍。多缺。族祖武平府君。愍其若斯。乃操簡援翰。拾其遺闕。然但言三蜀巴漢。未列又務在舉善。不必珍異。揆之

漢嘉克讓謙德之倫

郛令州主簿常助修業

大郡君審諤自固底身

江陽太守何隨季業

大江陽皎皎命世清淳

梓潼太守王化伯遠

中梓潼矜矜在險能平

太子中庶子陳壽承祚

庶子稽古遷固並聲

漢中太守李宓令伯

漢中躋躋才蓋羣生

後賢志
犍爲太守杜軫超宗

犍爲印印友于是令

給事中任熙伯遠並

給事溫恭尚德茂榮

中書郎王長文德雋

中書淵識寶道韜明

大長秋壽良文淑

長秋忠肅明允篤誠

大司農西城公何攀惠興

司農運籌思侔良平尚書
少府成都威侯李毅允剛
少府果壯文武是經
衡陽內史楊邠岐之

衡陽固節隱然不傾

尚書三州都費立建熙

尚書準繩古之遺直

湘東太守常騫季慎

湘東汎愛仁以接物

武平太守常寬秦恭

武平豐豐冰清玉疑

揚烈將軍梓潼內史譙登慎明

關

江陽太守侯馥世明

關

文立字廣休巴郡臨江人也少遊蜀太學治毛詩三

禮兼通羣書州刺史費禕命爲從事入爲尚書郎復

辟禕大將軍東曹掾稍遷尚書蜀并于魏梁州建首

爲別駕從事。咸熙元年，舉秀才，除郎中。晉武帝方欲
懷納梁益，引致雋彥。泰始二年，拜立濟陰太守。武帝
立太子，以司徒李胤爲太傅，齊王驃騎爲少傅，選立
爲中庶子。立上疏曰：「伏惟皇太子，春秋美茂，盛德日
新。始建幼志，誕陟大繇，猶朝日初暉，良寶耀璞。侍從
之臣，宜簡俊乂，妙選賢彥，使視觀則覩禮容，棣棣之
則聽納，當受嘉詔駭耳之言，靜應道軌，動有所采。佐
清初陽，緝熙天光，其任至重。聖王詳擇，終非糞朽能
可堪任。臣聞之，人臣之道，量力受命，其所不諧，得以

誠聞。帝報曰。古人稱與田蘇遊。非舊德乎。立上故蜀大官。及盡忠死事者子孫。雖仕郡國。或有不才。同之齊民爲劇。又上諸葛亮。蔣琬。費禕等子孫。流徙中畿。宜見叙用。一則以慰巴蜀民之心。其次傾東吳士人之望。事皆施行。十年詔曰。太子中庶子立。忠貞清實。有思理器幹。前在濟陰。政事修明。後事東宮。盡輔導之節。昔光武平隴蜀。皆收其才秀。所以援濟殊方。伸叙幽滯也。其以立爲散騎常侍。累辭不許。上疏曰。臣子之心。願從疏以求昵。凡在人情。貪從幽以致明。斯

實物性。賢愚所同。臣者何人。能無此懷。誠自審量。邊
荒遺燼。大馬老甚。非左右機納之器。臣雖至愚。處之
何顏。詔曰。常伯之職。簡才而授。何謙虛也。立自內侍。
獻可替否。多所補納。甄致二州人士。銓衡平當。爲士
彥所宗。故蜀尚書掾。爲程瓊。雅有德望。素與立至厚。
武帝聞其名。以問立。立對曰。臣至知其人。但年垂八
十。稟性謙退。無復當時之望。不以上聞耳。瓊聞之曰。
廣休可謂不黨矣。故吾善夫人也。西界獻馬。帝問立。
馬何如。對曰。乞問太僕。帝每善其恭慎。遷衛尉。猶兼

都職中朝服其賢雅爲時名卿連上表年老乞求解
簪還桑梓帝不聽咸寧末卒帝緣立有懷舊性乃送
葬于蜀使者護喪事郡縣修墳塋當時榮之初安樂
思世子早沒次子宜嗣而思公立所愛者立亟諫之
不納及愛子立驕暴二州人士皆欲表廢立止之曰
彼自暴其一門不及百姓當以先公故得爾也後安
樂公淫亂無道何攀與上庸太守王崇涪陵太守張
寅爲書諫責稱當思立言凡立章奏集爲十篇詩賦
論頌亦數十篇同郡毛楚楊崇皆有美德楚并牝守

崇武陵太守。字休然，蜀郡成都人也。少與同郡杜貞、柳仲並知名，隱直誠篤亮。交友居厚，達於從政。數從大將軍姜維征伐，臨事設計，當敵陷陣，勇畧冠軍。爲牙門將，巴郡太守、騎都尉。遷漢中黃金圍督。景耀六年，魏鎮西將軍鍾會伐蜀，入漢川，圍戍多下，惟隱堅壁不動。會別將攻之，不能克。後主旣降，以手令勅隱，乃詣會。晉文帝聞而義之。咸熙元年，內移河東，拜議郎。武帝踐祚，以爲西河太守。在官三年，以年老去官，乞骸還。

蜀卒於家時年八十長子充連道令次子初舉秀才
杜貞字文然柳仲字雅厚州牧諸葛亮辟爲從事禎
符節令梁益二州都督仲度支禎子珍字伯重畧陽
護軍仲漢嘉巴東太守大同後並舉秀才珍子彌字
景文仲子純字偉淑有名德幹器舉秀才巴郡宜都
建平太守西夷長水校尉巴東監軍
司馬勝之字興先廣漢綿竹人也學通毛詩治三禮
清尚虛素性澹不事榮利初爲郡功曹甚善綱紀之
龔州辟從事進尚書左選郎徙秘書郎時蜀國州書

佐望與郡功曹參選而從事佺臺郎時重察舉雖位
經朝要還爲秀孝亦爲郡端右景耀末郡請察孝廉
大同後梁州辟別駕從事舉秀才歷廣都新繁令政
理尤異以清秀徵爲散騎侍郎以宗室禮之終以疾
辭去職卽家拜漢嘉太守候迎盈門固讓不之官閑
居清靜謙卑自牧常言世人不務求道德而汲汲於
爵祿若吾者可少以爲有餘榮矣訓化鄉閭以恭敬
爲先年六十五卒於家子尊賢佐皆有令德
常勗字修業蜀郡江原人也祖父員牂牁永昌太守

父高廟令。從父閎。漢中廣漢太守。勗少與閎子忌齊名。安貧樂道。志篤墳典。治毛詩。尚書。涉治羣籍。多所通覽。州命辟從事。入爲光祿郎中主事。入爲尚書左選郎。郡請迎爲功曹。時州將董軍政。置從事職典刑獄。以勗清亮。復爲督軍。治訟平當。還察孝廉。除郫令。爲政簡而不煩。魏征西將軍鄧艾伐蜀。破諸葛瞻於綿竹。威振西土。諸縣長吏。或望風降下。或委官奔走。勗獨率吏民固城拒守。後主檄令。乃詣艾。故郫穀帛全完。刺史袁邵嘉勗志節。辟爲主簿。勗善儀容。翔集。

動爲表觀。言論壯烈。州里重之。然交友惟賢。不交下
已者。汎愛之恩。猶不足。邵征還道。卒忌字芟通。蜀謁
者黃門侍郎喪親。以致孝聞。察孝廉爲郎。使吳稱職。
歷長水參軍。什加雜令。大同後。刺史邵坐治城被徵。
忌請洛陳訴。遠國初附。君民始結。不宜改易。又表脩
治城池。居安思危。邊將常職。事皆中情。晉文帝時爲
相國。辟忌舍人。武帝踐祚。拜騎都尉。除河內令。州名
爲難治。忌挫折豪勢。風教大行。縣有姦嫂殺兄者。羣
黨蔽匿。前令莫得。忌皆窮治。入爲州都。方議爲郡守。